

宋朝大詔令集

宋朝大詔令集卷第一百二十七

興禮十二

明堂四

四月月令

政和八年四月朔皇帝御明堂左个以是月天運政治布告于天下
曰孟夏之月朔日癸丑日在胃昏張中曉斗中辛酉立夏斗建巳日
在昴昏翼中曉斗中得孟夏之節螻蟈鳴律中仲呂之正聲丙寅蚯蚓
出辛未王瓜生丙子小滿日在昴昏軫中曉女中得孟夏之中氣
苦菜秀律中仲呂之中聲辛巳靡草枯月後五日丙戌小暑至其帝
炎帝其神祝融其色赤其音徵其數七盛德在火其性暑其德彰顯
其化蕃茂其政明曜其令熱其人在人也逆夏氣則太陽不長秋為痠
瘡奉收者少是月也少陰火之位客氣陽明燥金為清化為收為霧

露為躁生終為涼為介為堅化為烟埃為勁切為悽鳴是月也大涼
復至大氣遂抑民有氣鬱中滿之疾宜調陽明之客以酸補之以辛
寫之以苦泄之是月也小滿之後屬三氣之初金水交司其位少陽
相火其氣太陽寒水天政始布雨寒間至凡樂之聲仲呂為宮黃鍾
為徵林鍾為商太簇為羽南呂為角姑洗為閏宮應鍾為閏徵調宜
尚徵使氣適平是月也朔告于廟命有司以立夏祀赤帝迎氣於南
郊祀中太一祀熒惑祀南方獄鎮海瀆祀潔鼎祀竈以壬申祀雨師
以辛未雩祀上帝配以太宗卜吉薦享于廟朝獻于官薦新以彘嘗
麥是月也天祺節有罪毋決三日立夏停決重囚部使者舉恤刑條
制頒時藥於五門督疾醫分而治之申伐木之禁軍馬聽擇官地繫
墜其在樞者芻豆半給大農遣舟致麴麥京畿入兩學租夏田應訴
災水田應訴稅若圭租給前後官者皆以是月為限諸州以秋稅籍

及吏皂之頭杖刑法者聞于所隸保甲應造帳者上都帳于戶部趣
汭流上供物畿甸封樁與凡官馬李帳各以時上行秋令則苦雨數
來五穀不滋行冬令則草木蚤枯後乃大水行春令則蝗蟲為災暴
風來格秀草不實於戲五運之政其猶權衡高抑下舉繁之人事朕
奉右時令以敷錫庶民爾欽承其無怠

五月月令

政和八年五月朔皇帝御明堂以是月天運政治布告于天下曰仲
夏之月朔日壬午日在畢昏軫中曉虛中辛卯芒種斗建午日在參
昏角中曉虛中得仲夏之節螳螂生律中蕤賓之正聲丁酉鵲始鳴
壬寅反舌無聲丁未夏至日在井昏亢中曉危中得仲夏之中氣鹿
角解律中蕤賓之中聲月後一日壬子爛始鳴六日丁巳半夏生是
月也天氣盛地氣高天地氣交萬物華實天度至此炎熱盛行其在

人也宜順養長之道使志無怒使氣得泄逆之則太陽不長心氣內動奉收者少是月也客氣太陽寒水居相火之位其氣所至為寒生中為溫為積化為鱗化是氣也天政布寒氣行雨廼降民病寒及熱中有心熱瞽問之疾宜謂太陽之客以苦補之以酸瀉之以苦堅之以辛潤之食元穀以全其真避虛邪以安其正九樂之聲蕤賓為宮大呂為徵夷則為商夾鍾為羽無射為角仲呂為閏宮黃鍾為閏徵客氣寒水調宜尚宮以抑之以適其平是月也朔告于廟日至祭后土皇地祇于方澤配以太祖祀明鼎丙戌享先收藉田登麥獻瓜乃薦新于寢廟嘗雖以黍羞以瓜蠶事畢苑吏效鵞是月也寧既節毋決重辟三日命刑部即吏御史督遣中都繫囚監司分趣所部案在大理者畢獻行獄闡施以達鬱氣設漿飮五日一濯梏奉毋以日中施刑罪人毋令於市是月也申河橋之禁郡貳月視塘堤修其圯

壤造成卒冬服邊臣蕃官及軍吏應賜喪者上其名數是月也舍役
徒功之半毋課伐木于山林諸軍農閑士卒京畿與諸路始督夏賦
峙勢糧必以時給納之官毋或離次行冬令則雹凍傷穀行春令五
穀曉熟百勝時起行秋令則草木零落果實早成民殃於疫於戲古
我先后罔不求端于天肆朕祗承動惟時憲咨爾有衆其克率循

六月月令

政和八年六月朔皇帝御明堂右个以是月天運政治布告于天下
曰季夏之月朔日壬午日在井昏氏中曉室中壬戌小暑斗建未日
在井昏氏中曉室中得季夏之節溫風至律中林鍾之正聲丁卯蟋
蟀居壁壬申鷹乃學習丁丑大暑日在柳昏心中曉奎中得季夏之
中氣腐草化為螢律中林鍾之中聲月後二日壬午土潤溽暑七日
丁亥大雨時行南方生熱熱生火其德為顯其化為茂其政為明其

令為鬱蒸其性為暑其用為躁其變為炎燥是月也寒水客氣相火
主位其氣至則寒氣行雨廼降民病寒反中熱宜調客氣以苦補之
以鹹寫之以苦堅之以辛潤之是月也甲戌土王用事時為長夏大
暑之後始得四氣之初厥陰風木下臨太陰濕土風濕交爭風化為
雨九樂林鍾為宮太簇為徵南呂為商姑洗為羽應鍾為角蕤賓為
閏宮大呂為閏徵調宜尚宮以致其和是月也朔告于廟薦新羞以
菱芡甲戌祀黃帝祀陰鼎祀中嶽中鎮祀中霤奉視五方賓宮壇壇
庚午初伏始預冰是月也天貺節停決重辟漕臣具戶口都帳若場
務官之殿最上于戶部憲司具盜賊已獲未獲之數至秋以聞繕塘
隄以是月畢工按增植榆柳之實金部趣內帑金帛之入州縣鎮寨
會易糧廣儲峙不足則列于漕司監司遣吏之與選者至于刑部百
工日課收十之八是月也以軍器功程進退若錢監鼓鑄分教較工

匠而陞降之州縣葺犴獄視共用無或不備按捕盜官器甲凡被受
法令之日若捕盜兵級之數營屯關舍倉庫借用皆聞于所隸行春
令則穀實鮮落國多風欬行秋命則邱隰水潦未稼不熟行冬令則
風寒不時鷹隼蚤鷙於戲欬若昊天五者來備用訓厥道付畀四方
其無替朕命

七月月令

政和八年七月朔皇帝御明堂總章左个以是月天運政治布告于
天下曰孟秋之月朔日辛巳日在柳昏尾中曉奎中壬辰立秋斗建
申日在星昏尾中曉婁中得孟秋之節涼風至律中夷則之正聲丁
酉白露降壬寅寒蟬鳴戊申處暑日在張昏箕中曉昴中得孟秋之
中氣鷹乃祭鳥律中夷則之中聲月後三日癸丑天地始肅戊午未
乃登其帝少皞其神蓐收其色白其音商其數九盛德在金則性涼

其德清潔其化繁歟其效勁切其令燥其人也逆秋氣則太陰不
收冬為殄泄奉藏者少是月也風木客氣濕土主但其氣所至為撓
動為迎隨為風生終為肅為毛化地氣上騰濕化乃布風濕交爭風
化為雨廼長廼化廼成民有大熱少氣注下之疾宜調厥陰之客以
辛補之以酸瀉之以甘緩之食穀穀以全其真避虛邪以安其正凡
樂之聲夷則為宮夾鍾為徵無射為商仲呂為羽黃鍾為角林鍾為
閏宮大簇為閏徵調宜尚商使氣適平是月也朔告于廟以立秋祀
白帝祀西太一祀西方獄鎮海瀆祀順鼎祀門厲乃以後辰祀靈星
卜吉薦享于廟乙未朝獻于宮嘗栗與稷羞以棗梨是月也先天節
有罪毋決三日監司牧守各舉勸農御筆以督所部法令已頒而增
改著錄目徧下錫緡錢于太學州其上供物數以發之月日若吏卒
姓名上于本部沿流所受是月畢發命有司計河倫以待來歲之用

徒役應調者亦如之防河神特支有差凡易粟市於畿甸者漕司觀
據以年之上下聞于戶部州選官以司糴事縣官給納毋或離次監
司督繫囚始徧所部封格季帳上之都省扶田應訴災傷徒收半功
皆以是月為限應倉庫歲計物及禁軍聞額請給若軍器官馬之數
皆聞于所隸行冬令則陰氣大勝介蟲敗穀行春令則陽氣復還五
穀無實行夏令則寒熱不節民多瘡疾於戲朕奉若天道平民無貳
咨爾有衆抵予猷告無斁

八月月令

政和八年八月朔皇帝御明堂總章以是月天運政治布告于天下
曰仲秋之月朔日辛亥日在張昏箕中曉昂中癸亥白露斗建酉日
在翼昏斗中曉畢中得仲秋之節鴻雁來律中南呂之正聲戊辰乙
鳥歸癸酉星鳥養羞戊寅秋分日在軫昏斗中曉參中得仲秋之中

氣雷乃收聲律中南呂之中聲月後四日蟄蟲坯戶戊子水始涸西方生燥在地為金在氣為成其德為清其化為歛其政為勁其令霧露其在水也逆秋氣則太陰不收冬為殄沍奉藏者少是月也風木客氣居濕土之位為撓動為迎隨風濕交爭風化為雨廼長廼化廼成民病大熱少氣肉萎宜調厥陰之客以辛補之以酸瀉之以甘緩之歲穀宜斡秋分後木火交司始得五之氣陽明之位水火居之候廼舒九樂之聲南呂為宮應鍾為商大呂為角姑洗為徵蕤賓為羽夷則為閏宮夾鍾為閏徵調宜尚商以致其平是月也朔告于廟上丁釋奠于先聖上戊釋奠于武成王甲戌祀九宮貴神祭馬社丙子祀寶成宮戊寅祭社稷配以勾龍后稷夕月于西郊祀蠶鼎祀壽星卜吉薦新于寢廟嘗麻與稻羞以芡萌命官薦獻陵寢仍按禁地遺祠祝祀古帝王述其功臣是月也土貢志至于邸擇日燕羣臣部使

者致守令善最以聞參選而應試若有戰功而願較武技者皆赴于本部具獄之在法寺者毋或留獄朝廷封椿季帳之上都省禁軍缺額請給季帳上之樞密院畿漕具芻藁市直若移用起發之數上之戶部秋折色具報大農夏賦至是畢輸常平錢穀以時歛納頒冬服于內外官暨吏卒諸軍始晚教大閱犒賞以作士氣凡水田應訴災若郡貳周視塘堤軍馬繫陰官地皆以是月為限行春令則秋雨不降草木生榮行夏令則蟄蟲不藏五穀復生行冬令則風災數起收雷先行於戲奉若天道平秩西成凡厥攸司各恭爾事

九月月令

政和八年九月朔皇帝御明堂總章右个以是月天運政治布告于天下曰季秋之月朔日庚辰日在軫昏斗中曉參中癸巳寒露斗建戌日在角昏斗中曉井中得季秋之節鴻雁來賓律中無射之正聲

戊戌崔入大水化為蛤癸卯菊有黃華戊申霜降日在亢昏牛中曉
鬼中得季秋之中氣豺乃祭獸律中無射之中聲盛德在金此謂容
平天氣以急地氣以明其德為清其化為歆其政為勁其令霧露其
在人也逆秋氣則太陰不收冬為殄泄奉藏者少是月也客氣少陰
火居燥金之位其至為暄為暍為舒榮為刑見陽復化革廼長廼化
廼成民廼舒有瘍眚身熱之疾宜調少陰之客以鹹補之以甘瀉之
歲穀宜粳八樂之聲無射為宮黃鍾為商太簇為角仲呂為徵林鍾
為羽南呂為閏宮姑洗為閏徵調宜尚羽以致其平是月也朔告于
廟辛巳親祀上帝于明堂配以神考薦新于寢廟嘗菽羞以兔果
以巢是月也命奉常視五方齋宮壇壝九日錫羣臣宴於園苑戶
部總諸路常平金穀之數以旁通國冊來上畿甸始督秋賦宗正寺
以屬籍應修纂之事報宗司太史具新厯以待頒之天下郡貳丞

視塘堤騎兵出教習毋踐禾稼是月也命有司理梁橋上師始警
弓弩細運蒸糧第寬期日藁秸和市于民者豫給之直畿漕輸緡錢
俸河無或乏事夏時芻糧以是月畢秋糴始納授田起賦待夏迺歛
圭田終前後官者以是月為限場務以災免較者眠稅為差行夏令
則人多孰噉行冬令土地隆坵行春令則人多懈惰於戲寒氣總至
百穀用成乃宣布于四方飲予時命

閏九月月令

政和八年閏九月朔皇帝御明堂門闔左扉以是月天運政治布告
于天下曰季秋之閏月斗建戌亥之間朔日庚戌日在亢昏牛中曉
柳中癸丑草木黃落己未蟄蟲咸俯甲子斗建亥日在昏昏女中曉
星中得立冬之節水始冰律中應鍾之正聲己巳地始凍甲戌雉入
大水化為蜃盛德在金得五氣之中天氣以急地氣以明其德為清

其化為歛其政為勁其令霧露其在人也逆秋氣則太陰不收冬為
殄泄奉藏者少是月也客氣火居燥金之位其氣至為熱生中為寒
為羽化為大暄寒陽復化草廼長廼成民廼舒有警惡寒戰慄譖
妄之疾宜調少陰之客以鹹補之以甘寫之歲穀宜稔凡樂之聲無
射為宮仲呂為徵黃鍾為商林鍾為羽太簇為角南呂為閏宮姑洗
為閏徵調宜尚羽以致其平立冬節應鍾為宮蕤賓為閏徵大呂為
商夷則為羽夾鍾為角無射為閏宮中呂為閏徵是月也司馬告于廟
以立冬祀黑帝祀中太一祀北方獄鎮海瀆祀健甞祀行乙亥祀司
中司命司民司祿是月也始蒞官若當代而補考者其日聽理主祖
給前後官以所附月為限場務較祖額亦如之州縣別計抵當之息
馬以在櫪給芻豆之半者盡是月止行夏令則人多軌噫行冬令則
土地隆柝行春令則人多解惰於戲閏以正時時以作事各修乃職

克勤無怠

宋朝大詔令集卷第一百二十七
又朝六詔令集卷一百二十七

宋朝大詔令集卷第一百二十八

典禮十三

明堂五

十月月令

政和八年十月朔皇帝御明堂平朔左个以是月天運政治布告于天下曰孟冬之月朔日己卯斗建亥日在心昏危中曉張中小雪得十月之中氣律中應鍾虹藏不見甲申天氣上騰地氣下降己丑閉塞而成冬甲午大雪斗建子日在尾昏室中曉翼中得十月月之節律中黃鍾鵠鳥不鳴己亥虎始交歲德在水其帝顓帝其神元冥其德淒滄其化清謚其政凝肅其令寒其在水也宜順養藏之道逆之則傷腎春為痿癰奉生者少是月也客氣太陰濕土居太陽寒水之位其氣所至為雨府為濡化為晦暝化氣正濕令行陰凝太虛埃昏

郊野民廼慘悽寒風以至民有中滿肘腫之疾宜調大陰之客以甘
補之以苦瀉之以甘緩之凡樂之聲應鍾為宮大呂為商夾鍾為角
蕤賓為徵夷則為羽無射為閏宮仲呂為閏徵大雪之後黃鍾為宮
大簇為商姑洗為角林鍾為徵南呂為羽應鍾為閏宮蕤賓為閏
徵調宜尚角以致其平是月也朔告于廟皇帝始裘頒裘服于內
外受來歲之祿頒于天下壬午祭神州地祇卜吉朝獻于宮以新薦
于寢廟是月也天寧節禁屠宰弛刑三日給繫囚食原杖罪之輕者
都水其殺兵數上手水部備河橋錢是用畢輸豫頒戍卒春服部使
者舉恤刑之典縣以歲帛豫市於民者請于州揀補禁旅之闕廩兵
役于外者歸之營屯休北城卒役以肄守其是月也農務畢然後訓
民兵受田訟鄉戶應造簿者亦如之命有司繕橋梁治道路墻塲校
炭于細民日給官次有差籍老疾孤幼不能自存若非游惰而丐者

之名數以待施惠工師校弓弩以是月為期行春令則凍閉不容行
夏令則國多暴風蟄蟲復生行秋令則霜雪不時於戲吉日陽朔上
天之載率由舊章惟爾萬邦風戾承之無怠

九年氣運

政和八年十月朔皇帝命御明堂平朔左个以九年己亥正朔氣運頒
布于天下皇帝若曰古我先后先天而天弗違後天而奉天時其歲
月日時無易民用平康今朕臨觀八極考述五常敷錫庶民以待來
歲之宜惟爾萬邦率茲典常奉若天道欽于時憲政和九年己亥之
歲王運南政斡天之氣經于角軫固天陰風木左少陰右太陽厥陰
在上則少陽在下左陽明右太陽風火同德上應歲星熒惑風化三
濕化五火化七己為少宮五運之序少宮大商少羽少角太徵少宮
土之不及運行後天是謂卑監之紀是謂減化化氣不令生政獨彰

長氣整雨廼愆收氣平風寒並興草木榮美秀而不實其味酸甘其
色蒼黃其聲宮角其穀豆麻其果李栗其蟲裸毛其發濡滯其病留
滿否塞其應五宮其青四維上角與正角同歲丰之前厥陰司之天
氣擾其政挽歲丰之後少陽司之地正其令速風生高遠炎熱從之
雲趨雨府濕化廼行風行乎上熱行乎下風燥暖復行乎中風淫所
勝則平以辛涼佐以苦甘以甘緩之以酸瀉之火淫于內則治以鹹
冷佐以苦辛以酸收之以苦發之初之氣自斗建丑正至卯之中風
木之位陽明居之為清化二之氣自斗建卯正至巳之中大火之位
太陽居之為藏化三之氣自斗建巳正至未之中相火之位厥陰居
之為風化四之氣自斗建未正至酉之中濕土之位少陰居之為灼
化五之氣自斗建酉正至亥之中燥金之位太陰居之為黔化六之
氣自斗建亥正至丑之中寒水之位少陽居之為告化析其鬱氣積

其運氣資其化源畏火之氣無妄犯之無使邪勝是謂遠平布告中外咸使聞知

十一月月令

政和八年十一月朔皇帝御明堂南面以朝百辟退坐于平朔按民時布政於天下曰仲冬之月斗建子朔日己酉昏室中曉軫中日南至蚯蚓結得是月之中氣甲寅麋角解己未水泉動己丑小寒鴈北鄉得十二月之節庚午鵲始巢乙亥野雞始雊盛德在水其德淒淒其化清謐其政凝肅其令寒其在水也宜順養藏之道逆之則傷腎春為痿厥奉生者少是月也客氣太陰濕土居太陽寒水之位上應鎮星辰星寒濕之氣特以氣交為陰凝埃淖民乃修悛是月也建子水王按問少陽之氣廼鬱寒氣布濕令行是月也少角木運生氣不及化氣廼揚收氣廼暴民則有中滿足萎之疾宜調太陰之客以甘

補之以苦罵之以甘緩之凡樂之聲黃鍾為宮太簇為商姑洗為角
林鍾為徵南呂為羽應鍾為閏宮蕤賓為閏徵小寒之後大呂為宮
夾鍾為商仲呂為角夷則為徵無射為羽黃鍾為閏宮林鍾為閏徵
調宜尚角以致其早是月也朔告于廟薦新羞以膾日至大朝會于
路寢祀昊天玉皇上帝于圓壇祀寶鼎停決重辟戊午祭馬步是月
也天應節毋決日三日案大理者登望畢讞罪人無令于市圜圉給
薪炭假囚以襦袴命郎官御史循行中都獄督遣毋留是月也始給
老疾貧乏與丐乞者之食都城諸廟錄養無常數卒坐配若逋逃應
部送者所在留役而似之分河防工為三等先其急者凡徒役舍其
工之半雨雷則上毋課伐木于山是月也有司舉浚渠之令申都林
水縣豫籍蠶者鹽數上于州給納之官毋或離次行夏令則旱氣
霧冥雷乃發聲行秋令則天時雨汁瓜瓞不成行春令則蟲蝗為

敗水泉成竭於戲一陽來復終則有始監于成憲與時偕行咨爾多方各欽乃事

重和元年十二月月令

重和元年十二月朔皇帝御明堂平朔右介以是月天運政治布告于天下曰季冬之月朔日戊寅斗建癸丑日在女昏婁口曉次中律中大呂庚辰大寒雞始乳得是月之中氣乙酉蟄鳥厲疾庚寅水澤腹堅己未立春東風解凍得正月之節庚子蟄蟲始振己巳魚上冰是月也盛德在水其德婁滄其化清謐其政凝肅其令寒其人在人也宜去寒就溫毋泄皮膚以順養藏之道是月也客氣太陰濕土臨太陽寒水之位凡二日如仲冬之月宜調太陰之客凡味以甘補之以苦賜之以甘緩之大寒始交己亥之初氣客氣陽明燥金臨厥陰風木之位寒始肅收氣方至民病寒於右之下是月也其運少宮卑監

之紀厥陰神首司天臨震木入木宮命田天符合德金雞客勝無傷
天令燥氣亦平木持德不侮土土從木化濕令運行陰晴間應宜調
陽明之客凡味以酸補之以辛瀉之以苦泄之凡樂之聲大呂為宮
夾鍾為商仲呂為角夷則為徵無射為羽黃鍾為閏宮林鍾為閏徵
立春之後大族為宮姑洗為商蕤賓為角南呂為徵應鍾為羽大呂
為閏宮夷則為閏徵調宜尚徵以適其平是月也朔告于廟以戊臘
大亨卜吉薦新羞以魚乙酉祭社稷配以勾龍后稷大蜡八以記四
方祭司寒納冰于凌陰立春祀青帝祀東太一祀東方獄鎮海濱祀
酆祀司命戶辛丑祀風神奉常周察天地社稷之壇壝無敢不飭
是月也凡學諸生較其行藝注之籍士貢于辟雍若醫生試藝而入
太醫局者是月畢至有戰功而以武技選赴兵部者亦如是月也
命有司登民教上歲中祥瑞覆民之籍頒印帑歲以待來歲之輸案

在大理者無或留獄刑部其歲斷重辟以開會常平金穀若居養安濟涌澤各以其數來上凡軍器增虧若工程進退場務歲課登耗理欠多寡軍卒逋逃皆較而賞罰之渭司籍河防工役拘財用計帳上于所隸發戍卒春服舉役兵夏藥之令凡上供之穀至是畢輸令佐添植桑柘較其多寡之尤者聞于吏部監司分按所部必徧會強盜已獲未獲之數除日大雉磔牲于南門之外行秋令則白露早降介蟲為妖行春令則胎夭多傷人多痼疾行夏令則水潦為害時雪不降水凍消釋於戲是回于天歲將更始咨爾有眾克慎厥初惟其終永弼予治于時憲

重和二年正月月令

重和二年正月朔皇帝御明堂青陽左个以是月天運政治布告于下曰孟春之月朔日戊申斗建寅日在危昏畢中曉尾中庚戌雨水

得是月之中氣律中太簇獺祭魚乙卯鴻鴈來庚申草木萌動乙丑
驚蟄斗建卯日在室昏井中曉尾中得二月之節律中央鍾挑始華
庚午倉庚鳴丙子鷹化為鳩威德在木其帝太暉其神勾芒其色蒼
其音角其數三天氣始方地氣始發天地神明號令之始其德敷和
其化生榮其政舒啟其令宣發其人在人也宜順養生之道逆春風則
少陽不生夏為寒變奉長者少是月也陽明燥金下臨厥陰風木之
位其氣所至當為清勁為牧為肅為燥終為涼為霜其運少宮當風
令數舉然司天風木太一神首同入天衝木司之室化應於春風不
暴物陽明客勝而未得時位故金不傷木土運不及而木以德化故
本不侮土燥濕不爭為蒼埃霧露凡味木位之主其馮以酸其補以
辛陽明之客以酸補之以辛馮之以苦泄之凡樂以太簇為宮南呂
為徵姑洗為商應鍾為羽蕤賓為角大呂為閏宮夷則為閏徵驚蟄

之後夾鍾為宮無射為徵仲呂為商黃鍾為羽林鍾為角大蕤為閔
宮南呂為閔徵調宜尚徵以造其平是月也朔告于廟命有司以辛
亥祈穀于上帝配以太宗祀感生帝配以僖祖卜吉薦享于廟朝獻
于宮薦新羞以韭葑以郊甲寅迄壬戌祀九竒太一乙亥率公卿大
夫躬耕帝藉命有司享先農元日釋菜于先聖被貢者咸與命學校
以歲終校定來上州具報于所隸凡學之士試三舍于有司吏部以
參選應試若試刑法官者附于貢院宗正上宗藩屬系錄監司牧守
舉勸農御筆以督所部帥司按諸將兵騎計強隋肥瘠以為殿最選
補禁旅之缺是月必徧倉部屯田較三河漕運若官莊課入之增虧
憲司具盜賊已獲未獲之數是月以聞部使者循行所至月日上之
都省州封樞密帳亦如之常平官具歲用金穀糶糴總數若農田水
利已修未修上之戶部諸路會山澤寶貨上之虞部起上供物之守

凍者沿流所受附併悉發戶部類土貢名數以其額注之籍州時易糧必度歲用以夏賦豫約缺則列于漕司是月也命刑部遣郎吏督繫囚毋留獄敕令格式頒降而增改者錄目偏下舉寬恤手詔若赦令以究德澤元日上元節停決重囚天慶節禁屠宰有罪毋決三日是月也舉埋箭之令揭捕蝗法以諭民止伐木戒八路夏糴毋或失時秋糴始畢命開封誼酒禁監司考即守催科之等應選士卒者所至軍選凡諸軍官騎營屯空舍若場務較歲課州斷大辟數皆聞于本曹是月也戶部覈戶口登耗兵部總歸明除附夏賦始遣帳秋租若畿婦業結至是畢輸豫給歲市帛之直始與蘇者鹽沿汴售炭盡是月止課河塘官植榆柳凡任河防毋得受伐應修治者併役都水趣四路河備督完固之報都城始浚溝洫太僕繕馬疋縣共材毋或乏事司門戒關津幾察申城門啓閉出入之禁即燎燈于望非外城

聽勿闔工師校弓弩以是月為則行夏令則雨水不時草木蚤落行
秋令則其民大疫疾風暴雨搖至菽秀蓬蒿並興行冬令則水潦為
敗雪霜大至首種不入於戲陽德朋來四序資始凡爾有衆往慎乃
司無替朕命

二月月令

重和二年二月朔皇帝御明堂青陽以是月天運政治布告于天下
曰仲春之月朔日丁丑斗建卯日在壁昏井中曉箕中辛巳春分得
是月之中氣律中夾鍾乙鳥至丙戌雷乃發聲辛卯始電丙申清明
斗建辰日在奎昏柳中曉斗中得三月之節律中姑洗桐始華辛丑
田鼠化為鴽丙午虹始見盛德在木其性暄其德敷和其化生榮其
政舒啟其令風人氣為肝宜順養生之道逆之則夏為寒變奉長者
少是月也風木之位容氣陽明居之凡四日始孟春之月春分日水

下六十二刻六分圖中之北交二之氣客氣太陽寒水下臨少陰大
火之位上應辰星熒惑考其氣所至當寒不去華雪水冰肅氣施化
當霜降名草上焦寒雨數至陽復化民病熱於中然按少陰君火接
行天令則寒從溫生為先溫後寒為寒雨間熱其運少宮土氣不令
王水乘之風令廼行然其神三風與司天君基同入震宮當春分正
王君基務德大風數舉而不傷濕令木火倏化土氣適平水不冰草
木榮莢民病寒熱凡味火位之主其瀉以甘其補以鹹太陽之客以
苦補之以鹹瀉之以苦堅之以辛潤之樂之聲夾鍾為宮仲呂為商
林鍾為角無射為徵黃鍾為羽清明之後姑洗為宮蕤賓為商夷則
為角應鍾為徵大呂為羽調宜尚宮以致其平是月也朔告于廟以
上丁釋奠于先聖命諸生作樂上戊釋奠于武成王亦如之祭社稷
配以句龍后稷春分朝日于東郊獻羔享司寒以冰薦寢廟祀育陽

祀高禩以弓矢弓韜奉酢酒入于宮中乃擇元辰祀九宮貴神祀五龍祀馬祖命宗正奉常遣官薦獻陵寢按視禁地道祀祝祀古帝王暨功臣寒食停決重囚前五日趨斷獄訟真元節禁屠宰有罪毋決三日清明賜近臣新天命學校其三舍士與選者來上州中于所隸發常平金穀以振農追農事既畢毋受曰訟具未決報所屬其被旨者以聞給內外官暨吏卒春服起軍裝之其自京陝而西者豫聞于度支是月也禁野晧曰毋捕鳥獸頒時藥救民疾朝廷封樁季帳上之都省禁旅缺額請給帳上之密院宣借卒代更名數上之兵部縣列戶口增減之實于州造保伍新籍常平官總之寬暴糧期日場務歲課之耗以時行罰始與壯城卒役都部送之隸以大寒留行者至是乃遣役兵歸冬裘于官巡河吏行隄毋敢懈塘隄應繕修若歲料始元役覆較軍器功程補植河塘榆柳皆以是月畢諸路輸條牧業

結備河毋敢不集是月也凡部使者課績互上于省曹監司致守令
治狀省曹校監司功過場務應立新額若季視塘隄完固咸以其實
聞于上行秋令則大水寒氣愆至行冬令則陽氣不勝麥乃不熟行
夏令則大旱煖氣早來蟲螟為害於戲陽中於春平秋東作告爾多
方克勤乃事

宋朝大詔令集卷第一百二十九

典禮十四

明堂六

宣和三年三月月令

宣和元年三月朔皇帝御明堂青陽右个以是月大運政治布告于天下曰季春之月朔日丁未斗建辰日在婁昏星中曉斗中辛亥穀雨得是月之中氣律中姑洗萍始生丙辰鳴鳩拂其羽辛酉載勝降于桑丙寅立夏斗建巳日在卯昏翼中曉牛中得四月之節律中仲呂蟪蛄鳴辛未蚯蚓出是月也盛德在本其性喧其德敷和其化生榮其政舒啓其令風天氣正方地氣定發人氣在脾是月也客氣太陽寒水下臨少陰之位當寒不去華雪水冰肅氣化霜乃降名草上焦寒雨數至陽復化民病熱於中然左間少陰君火入天任良方火

守長生接行天令其氣為暄為舒榮其伸五風八風固會於艮為暴
風數舉風火合德宜嚴火禁是月也丁未子中東運交火商上生寒
水溫寒間應為旦清盡溫君史勝金肅氣微迺生濕化凡味火位之
土其寫以甘其補以鹹以苦堅之以辛潤之凡樂之聲姑洗為宮蕤
賓為商夷則為角應鍾為徵大呂為羽立夏之後仲呂為宮林鍾為
商南呂為角黃鍾為徵太簇為羽調宜尚宮以致其平是月也朔止
于廟以吉日享先蠶命奉常視五方齋宮壇壝薦新于寢廟蔬以筍
蒲魚以鮓果以含桃立夏祀赤帝祀中太一祀熒惑祀南方嶽鎮海
瀆祀置鼎祀竈壬申祀雨師上巳錫群臣宴于苑囿擇日大宴于集
英命有司閱舟師立夏停重囚是月也官上舍士之與上等者弊訟
毋妨農功陸田起賦若主祖給前後官以是月為限選官夏糴預頒
戍卒冬服出馬于牧軍馬始擇地繫蔭凡戶口增減吏皂丐試刑法

州驗實報漕司覆上供之籍胥吏以功過應陞降若鼓鑄登耗官舍
僦直之增虧皆聞于本漕太府以場務歲課來上試驗弓弩司教騎
兵若場務牝秋稅免較者盡是月止老疾貧乏丐乞之給食者亦如
之御史以察案書吏賞罰上之都省憲司以禁旅關額請給食帳上
之密院凡治河卒逃亡漕司具數報所屬衛尉會軍器增損令部類
合同勾籍大閱士卒選補其缺畿縣修馬廄大河併工役給鹽者鹽
積河新完陂堰皆以是月舉行冬令則寒氣時發草木皆肅行夏令
則民多疾疫時雨不降行秋令則天多沉陰淫雨早降於戲無輕民
事維暮之春欽爾在公夙夜匪懈明聽予一人誥

四月月令

宣和元年四月朔皇帝御明堂左个以是月天運政治布告于天下
曰孟夏之月朔日丙子斗建巳日在昴昏翼中曉女中土瓜生辛巳

小滿得是月之中氣苦菜秀昏軫中曉女中丁亥靡草死壬辰小暑
至丁酉芒種得五月之節螳螂生昏角中曉虛中壬寅鵲始鳴其帝
炎帝其神祝融其色赤其音徵其數七盛德在火上為熒惑其德為
顯其用為燥其化為茂其政為明其令鬱蒸天地始交萬物華實逆
之則太陽不長心氣內洞奉叔者少是月也小滿之前二氣生之九
五日季春之月小滿日水下五十一刻交三之氣厥陰之客居少陽
之位其氣所至為和平為風生終為肅為生化為毛化為飄怒大涼
為撓動為迎隨天政布風迺時舉民病泣出耳鳴掉眩具運太商燥
氣行然左間君大接行天政居道施德其氣舒榮其神八風與厥陰
同宮飛鳥與接間合氣木雖退飄怒時舉終無肅無大涼太商金運
承秉二火燥氣自折土化不令凡味火位之主其馮以甘其補以醎
厥陰之客以辛補之以酸瀉之以甘緩之凡樂之聲仲呂為宮黃鍾

為檄林鍾為商太簇為羽南呂為角芒種之後蕤賓為宮大呂為徵
夷則為商夾鍾為羽無射為角調宜宮羽以適其半是月也朔告于
廟以辛丑雩祀上帝配以太宗卜吉薦享于廟朝獻于宮薦新以蠶
嘗麥是月也天祺節宰臣率百辟朝謁神霄宮諸郡則長吏與其屬
造聖祖殿有司死刑三日是月也部使者舉恤刑條制郡守行訖以
聞寬恤手詔若赦令民應通知者申命揭示頒軍民時禁於五門遣
醫分而治之京畿入兩學秋租圭租水田之入前後官者以是月為
限軍馬在廐給芻秣十之五畿田則增其二命有司備酒林火農遺
舟致麴麥夏田應訴災水田應起賦郡貳李視塘隄保伍應發造都
帳皆無過是月申伐木之禁始造秋稅籍治並河山路以引漕舟舉
撲掘螟蝗之令會朝廷封樁物數上之都省具姦細羈隸姓名若禁
軍缺額請給上之密院軍器支收上之兵部沿流所受上供物附併

畢發行秋令則苦雨數來五穀不滋行冬令則草木早枯行春令則
蝗為災暴風來格秀草木不實於戲四月維夏萬物潔齊奉若天道
誕告多方爾有眾用丕式見德

五月月令

宣和元年五月朔皇帝御明堂以是月天運政治布告于天下曰仲
夏之月朔日丙午斗建午日在井角中曉危中丁未反舌無聲壬
子夏至得五月之中氣昏亢中曉危中鹿角解丁巳蜩始鳴壬戌半
夏至丁卯小暑得六月之節昏亢中曉室中溫風至壬申蟋蟀在壁
是月也一陰氣上與陽始爭是謂盛陽之陰天度至此炎熱盛行逆
之則傷心秋為痾瘕奉收者少是月也司天風木居相火之位當天
布政其政舒啟風迺時舉民病泣出耳鳴掉眩然風雖在上少陰接
間風熱參布辛酉運交羽水化不及濕氣乘之君火治天相火司地

二火生土風化為雨天時太一上合鎮星臨實沈之次暴雨時至起于戊分凡味火位之主其寫以甘厥陰之客以酸瀉之以甘緩之凡樂蕤賓為宮大呂為徵夷則為商夾鍾為羽無射為角小暑之後林鍾為宮太簇為徵南呂為商姑洗為羽應鍾為角調宜尚宮羽以致其平是月也朔告于廟日至祭后上皇地祇于方澤配以太祖祭彤鼎戊午祭先牧乃薦新寢廟常雉以黍羞以爪寧貺節宰臣率百辟朝謁上清儲祥宮停決日不上火辟之案者三日是月也籍田登麥諸有罪日中不刑毋令于市申命有司開狴犴牕牖以達其氣設漿飲濯桎械無敢不謹命即官御史循行中都督遣繫囚奏牘已上者都省約法斷下諸路則使者分詣所部是月也大理畢獄疑案申命有司固河梁巡塘隄盡完其圯壞捨役功之半毋課伐木於山林諸軍士卒惟早教頒百官諸司時服過臣將校應賜裘者豫上其名數

遣戍卒之冬服是月也州縣始督夏賦給納之官毋或離次兩學入
餘路租課芻糧時必以時行冬令則雹凍傷穀行春令則五穀晚熟
百糧時起行秋令則草木零落果實早成民殃於疫於戲惟先哲王
立政立事稽于天時克由繹之以告爾方國

六月月令

宣和元年六月朔皇帝御明堂右个以是月天運政治布告于天下
曰季夏之月朔日丙子斗建未日在井昏房中曉壁中丁丑鷹乃學
習壬午大暑得六月之中氣昏心中曉奎中腐草化為螢丁亥土潤
溽暑壬辰大雨時行戊戌立秋得七月之節涼風至癸卯白露降是
月也已卯土王時為長夏其帝黃帝其神后土在氣為克在威為脾
其性靜兼其德為濡其化為盈其令雲雨天氣盛地氣高人氣在頭
逆之則太陽不長秋為痠瘡奉收者少是月也壬午之前司天主之

凡六日如仲夏之月大暑日交四之氣少陰居火居太陰之仁中見少羽土承水承火其化為大暄寒淅暑濕熱相薄爭於左之上金燥受邪民病黃痺而為肘腫然少陰之客同天布政少陽交司地氣奉天為大炎熱為蒸鬱氣交之中運水不及濕土勝之雨涼間應其神天時興八風會午地晶室風從雨行盛大勝金宜贊收政凡味土位之主其馮以苦少陰之客以甘馮之凡樂林鍾為宮太簇為徵南呂為商姑洗為角應鍾為羽立秋之後夷則為宮夾鍾為徵無射為商仲呂為羽黃鍾為角調宜商羽以致其平是月也朔告于廟薦新羞以菱芡以巳卯祀帝昴祀黃帝祀中嶽中鎮祀中雷以立秋祀白帝祀西太一祀西方嶽鎮海濱祀阜鼎祀門屬以甲辰祀靈星是月也天貺節宰臣率百辟朝謁神霄宮諸郡則長吏與其屬造聖祖殿有司地刑三日奉常按視五方齋宮壇壝初伏頒冰是月也命州縣

葺園囿凡厥供用毋或不備大理獄案在未服前者都省約法斷下
役人暴露者損其日功之半諸工損十之二按沿塘所植榆柳之實
畢修隄岸之罅漏以攷戶口增損較覈推殿最上之戶部憲司具已
獲未獲之盜次季以聞若亡逸多者奏劾金部趣內帑金帛之入州
縣鎮寨會約糧之數儲峙不足則列於漕司若畿內粟枯不足則體
量和市國子監豫申歲賜以餼養士監司道應選之吏至刑部聞諸
將與捕盜官之甲兵較軍器功程與鑄鋸之數升降其工匠凡被受
法令條目衙校增減優重官吏渡關津之有幾禁者財用借兌於有
司與夫所欲馬皮牛角之數場務之已未售營房之已未其昏闇于
所隸具坑冶課利名色捕盜名級之籍次月以申行春令則穀實鮮
落國多風歟行秋令則卽濕水淹禾稼不熟行冬令則風寒不時鷹
隼蚤驚於戲五運更治六府允修茲率厥典克施有政爾有衆其欽

子時命

七月月令

宣和元年七月朔皇帝御明堂總章左个以是月天運政治布告于天下曰孟秋之月朔日乙巳斗建申月在張昏尾中曉胃中戊申寒蟬鳴癸丑處暑得是月之中氣律中夷則鷹乃祭鳥戊午天地始肅癸亥未乃登戊辰白露得八月之節日在翼昏斗中曉畢中鴻鴈來癸酉乙鳥歸是月也其帝少皞其神蓐收其色白其音商其數九是月也少陰之客居太陰之位其運少羽其化所至為大暄寒溽暑濕熱相薄爭於左之上民病黃痺而為胕腫處暑之前地氣上騰九九日令如六月處暑之後天氣下降少陰接間歲丰之復猶行其政又少陽司地火氣為多少羽之運後交少角水木不及則土勝濕土之位與歲運同土旺得時火土相乘濕熱盛行是月也八風與司地右

間會于兩府山澤浮雲風雨時至甚則為暴凡味土位之主其馮以
苦少陰之客以甘馮之凡樂夷則為宮夾鍾為徵蕤賓為商仲呂為
羽黃鍾為角白露之後南呂為宮姑洗為徵應鍾為商蕤賓為羽大
呂為角調宜尚宮以致其平是月也朔告于廟卜吉薦享朝獻于宮
薦新嘗栗與稷羞以梨棗是月也先天節宰臣暨百僚造天興殿州
則長吏率其屬朝謁聖祖禁屠宰毋決囚三日中元節一日是月也
監司牧守各舉勸農御筆以督所部敕令格式已頒而增改者錄自
遍下園苑進華實上供物數其始發月日吏卒姓名聞予本部公流
所受附併悉發朝廷封樞帳上之都省禁軍關額請給應倉庫歲計
物軍器官馬之數各聞于所隸諸路會山澤寶貨上之省部有司預
計河脩及徒役應調者以待來歲之用監司周督繫囚選官以司糴
事縣司給納毋或離次凡徒役收半功行冬令則介蟲敗穀行春令

則陽氣復還五穀無實行夏令則寒熱不節民多瘡疾於厥七月流
火欽授人時惟時懋哉各致其事

宋朝大詔令集卷第一百二十九

大司馬令集卷一百二十九

宋朝大詔令集卷第一百三十

典禮十五

明堂七

八月月令

宣和元年八月朔皇帝御明堂總章以是月天運政治布告于天下
曰仲秋之月朔日乙亥斗建酉日在翼昏斗中曉畢中戊寅群鳥養
羞祭未秋分日在軫昏斗中曉參中得仲秋之中氣雷乃收聲戊子
蟄蟲坯戶癸巳水始涸戊戌寒露得九月之節日在角昏斗中曉井
中鴻鴈來賓是月也盛德在金其性為涼其德清潔其化緊歛其令
霧露天氣以急地氣以明人氣在肺逆之則太陰不收冬為殄泄奉
藏者少是月也八日令如孟秋四氣主之秋分交五之氣太陰濕土
居陽明之位中見少角燥濕更勝况陰廼布寒氣及體氣風雨廼行

運車盡土氣不及少陰君火接行天政相火司地臨于鼎室土弱火
多收氣宜虧然火土金相生順臨濕不多其神五行飛鳥于七宮風
雨清涼燥熱更主兌味金位之主其補以酸太陰之客以甘補之凡
樂南呂為宮姑洗為徵應鍾為商蕤賓為羽大呂為角寒露之後無
射為宮仲呂為徵黃鍾為商林鍾為羽太簇為角調宜尚商以致其
平是月也朔告于廟上丁釋奠于先聖上戊釋奠于武成王秋分夕
月于西郊祀晶陽祀喜星丙戌祀九宮貴神祭馬社戊子祭社稷配
以勾龍后稷庠子祀寶成宮薦新于廟嘗麻與福命宮薦獻陵覆業視
禁地遣祠祝祀古帝王暨功臣是月也元成節群臣朝謁神霄宮禁
屠宰弛刑三日擇日大宴土貢會于邸頒內外官歷更卒冬衣若塘
濠役兵所隸親給監司攷守令治最以聞案在法寺無或留讞朝廷
封塔禁旅闕額請給帳上之都省密院畿漕會易案及起發錢數聞

于戶部參選而應試若有戰功而願校武技者各赴于本部請夏賦
畢輸常平散於民者以時歛納諸軍始早晚教軍馬繫蔭官地郡二
月視塘隄水田訴災皆以是月為限行春令則秋雨不降草木生榮
行夏令則蟄蟲不藏五穀復生行冬令則風災數起收雷先行於厥
正得秋而實成率由舊章奉若天道百官永式萬邦作孚

九月月令

宣和元年九月朔皇帝御明堂總章右个以是月天運政治布告于
天下曰季秋之月朔日甲辰斗建戌日在角昏斗中曉井中雀入大
水化為蛤已酉菊有黃華申寅霜降日在亢昏牛中曉鬼中得季秋
之中氣豺乃祭獸己未草木黃落甲子蟄蟲咸俯己巳立冬得十月
之節日在戌昏女中曉星中水始冰是月也在氣為成其德為清其
化為歛其令霧露其也在人也收歛神氣無外其志逆之則太陰不收

肺氣焦滿是月也五氣之分太陰濕上下臨燥金之位運次少角木
為不及金土自勝居火接間天政尚布歲上上合太陰陽明復當兌
正燥濕盛行收令自正沉陰廼布寒氣及體然太一與八風合于陽
宮其為應也溫清間作風雨時行凡味適平凡樂無射為宮仲呂為
徵黃鍾為商林鍾為羽太簇為角立冬之後應鍾為宮蕤賓為徵大
呂為商夷則為羽夾鍾為角調宜尚宮以致其平是月也朔告于廟
薦新嘗菽羞以兔栗卜吉親祠上帝于明堂配以神考以立冬祀中
太一祀北方獄鎮海濱祀魁鼎祀行命奉常視五方齊宮壇壝是月
也九日宴群臣于園苑太史備新麻以待頒賜戶部總諸路常平金
穀旁通圖冊來上倉部較三河斛斗及見峙芻糧之數以聞宗正報
太宗正纂修屬籍畿漕調緡錢益儲薪芻以供河防郡貳李親塘隄
畿甸始督秋賦工師視弓弩之成弛張之驗其良否騎兵旬出教習

如踐禾拔馬在樞減給芻豆者盡是月止畿縣豫給和市藁稻之直
綱運寬暴糧期日命有司給橋梁主租入前後官者以是月為限夏
糴畢秋糴始納場務免較者祇稅為差授田起賦者來夏延歛行夏
令則人多艱嘆行冬令則土地隆圻行春令則人多解惰於戲茲率
厥常各迪有功歛乃攸司無時豫忘

十月月令

宣和元年十月朔皇帝御明堂平朔左个以是月天運政治布告于
天下曰孟冬之月朔日甲戌斗建亥日在尾昏虛中曉張中地始凍
己卯雉人大水化為蜃甲申小雪得十月之中氣律中應鍾虹藏不
見日在心昏危中曉張中己丑天氣上騰地氣下降甲午閉塞而成
冬己亥大雪得十一月之節日在尾昏危中曉翼中鷗鳥不鳴律中
黃鍾盛德在水其帝顓頊其神元冥其德淒愴其政嚴肅其令寒其色

黑其音羽其數一具在人也宜順養藏之道逆之則傷腎春為痿厥
 奉生者少是月也小雪之前五之氣主之凡十日小雪之後始交終之
 氣少陽相火居太陽寒水之位畏火司令陽短大化蟄蟲出見地氣
 大發草短生人短舒其病溫厲氣其所至為蕃鮮為飄風燔燎為霜
 凝為光顯為彤雲為暝其運太微然少陰接間統行一歲在泉相火
 不司其令炎熱短平歲土不及寒水自勝雖為冬溫寒氣間作其神
 太一與飛鳥帝符合其後晝溫夜寒埃昏風雨凡味水位之主其補
 以苦少陽之客以甘寫之凡樂應鍾為宮蕤賓為徵大呂為商夷則
 為羽夾鍾為角大雪之後黃鍾為宮林鍾為徵太簇為商南呂為羽
 姑洗為角調宜尚羽以致其平是月也朔告于廟皇帝始裘頒裘服
 于內外受來歲之祿頒于天下乙亥祀司中司命司民司祿壬午祭
 神州地祇卜吉薦享于廟薦新羞以鴈是月也天符節朝謁神霄宮

天寧節弛刑停奏大辟凡三日天符節亦如之禁屠宰日有差天寧節設禁囚食罪輕聽免稍輕聽贖下元節有罪無決趣法寺畢斷獄案部使者舉恤刑之典御筆寬恤若赦令應通知者申命揭示寮老疾貧丐非游惰者籍其名數以待施惠是月也朝廷封樁帳申于都省禁旅闕額請給帳申于憲司都水其河防應役廂兵若官騎之數各聞于本部上供金帛畢入于內府緣流所受附併悉發頒戍卒春服揀補禁旅之闕者壯城興役盡是月止廂兵役于外者歸之大河長吏督察其屬預巡視所至之月日凡以條枚結藁之直脩河事者畢輸歲計修河具所屬預會其數報都水應役兵功料分三等注之籍若屯田塘濬堤道計工修治報所屬繕橋梁道路是月畢功畿邑溝河令佐周視計其所當開治與否者申漕司以聞縣申預買物帛是月也農務畢民訟皆受之民之版籍應升降必以實三路練民兵

毋或失時工師枚弓弩以是月為則給借役兵裏增場售炭于細民
縣舉行捕蝗之令開封申酒禁行春令則凍閉不密行夏令則國多
暴風蟄蟲復生行秋令則雪霜不時於殿三時就緒茲月惟良欽闕
有官往敷乃訓

十一月月令

宣和元年十一月朔皇帝御明堂平朔以是月天運政治布告于天
下曰仲冬之月斗建子朔日癸卯日在尾昏室中曉軫中甲辰虎始
交己酉荔挺出乙卯冬至得十一月之中氣律中黃鍾日在斗昏壁
中曉角中蚯蚓結庚申麋角解乙丑水泉動庚午小寒得十二月之
節律中大呂日在斗昏奎中曉亢中鴈北鄉盛德在水水復地氣合
人氣在腎是月也其位太陽其氣少陽其運太徵其神太一五風飛
鳥其德其性其政其令其為常也為凜為淒滄為凝肅為寒其變則

時為大暄霜凝疾風陰雨蟄蟲出見流水不外藏令不正草乃祭其
於人也為溫厲為噉嘔當順養藏之道逆之則傷腎凡味水位之主
其補以苦少陽之客以甘寫之凡樂黃鍾為宮林鍾為徵太簇為商
南呂為羽姑洗為角小寒之後大呂為宮夷則為徵夾鍾為商無射
為羽仲呂為角調宜尚羽以致其平是月也朔祭于廟天 節朝謁
受福逆真宮日至祀天子圓壇群臣攝慶獻告 祭典禮備舉祀寶
鼎祀九宮貴神州長吏率其屬朝謁聖祖殿學校行奠謁之禮戊辰
薦新于寢廟羞以膾祭馬步是月也應停決止奏案禁屠宰烹令毋
違圉圉給假寒具毋令罪人于市都則命官循行督遺毋或留獄舉
潘渠之令老疾貧丐撫養無常數應給食以是月止部送軍兵量情
留役而食之以三等籍河防軍工暴露徒役之工則舍其半雨雪則
止之山林艱於採造聽免程課屯田務官聽以代去給納之官毋或離

次封梅李惟狀之朝廷畿甸探入輸之西學行夏令則旱氣霧冥雷
乃發聲行秋令則天時南汁爪觔不成行春令則蟲蝗為敗水泉咸
竭人多疥瘍於戲陽來則長桑倫攸叙奉若天道監于成憲播告中
外無替朕命

十二月月令

宣和元年十二月朔皇帝御明堂平朔右个以是月天運政治布告
于天下曰季冬之月朔日癸酉斗建丑日在斗昏奎中曉亢中律中
大呂乙亥鵲始巢庠辰雉始雉乙酉大寒雞始乳得是月之中氣日
在女昏姜中曉氏中庚辰鶡鴒始鳴疾乙未水澤腹堅庚子立春東風
解凍得正月之節日在虛昏昂中曉心中是月也盛德在水水地
坼人氣在腎九十二日令如仲冬乙酉大寒交庚子歲初氣少陰司
天位於巽風天輔統歲之運同於正商其位厥陰其氣太陽其運太

商其神八風五風其候寒地始蟄復藏水地冰霜復降甚則陰風昏曠
暄寒間應其任人也關節禁固腰膝痛當去寒就溫以順養藏之道
九味木位之主其補以辛太陽之客以甘寫之九樂大呂為宮夷則
為徵夾鍾為商無射為羽仲呂為角立春之後太簇為宮南呂為徵
姑洗為商應鍾為羽蕤賓為角調宜尚角以復其令是月也朔告于
廟以戊臘大享卜吉薦新羞以魚乙酉祭社稷配以勾龍后稷大蜡
以記四方祭司寒納冰于凌陰上春祀青帝祀東方嶽鎮海瀆祀牡
鼎祀司命戶辛丑祀風師奉常周祭壇壇是月也凡學校諸生行藝
而書之士貢中都醫試藝而遣者至母後期命有司上祥瑞登民數
稽氏兵會金穀斷繁四程工藝較器數居養安濟漏澤若重辟奏貨
皆以數聞頒印內外以待輸納檢舉夏藥以待施惠凡勸農勤惰植
桑多寡治狀優劣官屬功過塘梁增減收種名數諸河漕運諸郡理

大省部監司郡守較其實而上之會漕計帳河渠工費寇盜縱獲募役文酬勘覆文計戍卒春服皆及期舉行之較逋逃之卒以待賞罰監司業治分徧所部入上供穀毋或未備給納之官毋或離次除日雖除祭于南門之外行秋令則白露早降介蟲為妖行春令則胎夭多傷人多困疾行夏令則水潦為害時雪不降冰凍消釋於戲協用五紀平在朔易終則有始異倫攸叙播告中外永休無斁

宣和二年正月月令

宣和二年正月朔皇帝御明堂青陽左个以是月天運政治布告于天下曰孟春之月朔日壬寅斗建寅日在危昏昴中曉心中乙巳蟄蟲始振庚戌魚上冰乙卯雨水日在危昏畢中曉尾中得是月之中氣律中太簇獺祭魚庚申鴻鴈來丙寅草木萌動辛未鶯鷯斗建卯日在室昏井中曉尾中得二月之節律中央鍾桃始華是月也天氣

姑方地氣始發人氣相肝盛德在木其帝太皞其神句芒其色蒼其
音角其德敷和其化生榮其政舒啓其令宣發是月也太陽寒水臨
風木之位其運太商少陰運正位於天輔風月之室其候寒暑切刈
陽氣乃潛中為溫其神帝符太尊三風會於離宮其應風春陰雨其
在人也關節禁固宜順養生之道凡味木位之主其補以辛太陽之
容以鹹寫之凡樂太簇為宮南呂為徵姑洗為商應鍾為羽蕤賓為
角驚蟄之後夾鍾為宮無射為徵仲呂為商黃鍾為羽林鍾為角調
宜尚角以順其令是月也朔告于廟延頒歲運命有司辛亥祈穀于
上帝配以太宗祀感生帝配以僖祖卜日薦享于廟朝獻于宮薦新
以韭以葑以卯癸亥祀先農元日釋菜用樂以禮先聖凡學校及行藝
之實州其報于所隸貢院試三舍生吏部參選試法者咸附宗正上
宗藩慶系錄倉部上諸河漕運戶部覈戶口登耗類進士貢籍其名

數八路夏糴以其數預領之若秋稅後婦孺棄至是畢輸屯田較官課之增虧兵部總歸明除附虞部入山澤寶貨之數命都水備四路河索毋或乏事督完固之報官毋或受代浚治都城溝洫補植隄塘榆柳應修築者聽併役命開封謹酒禁司門幾察開津城門出入啓閉望夜燎燈非外門者聽勿闌太僕修馬疴刑部遣即吏督繫囚元日上元節勿斷大辟天慶節壬戌禁屠宰決獄毋令囚于市配卒逃兵聽所在留役以之凡投減工以紓民力公汴售炭以施惠中伐木之禁揭捕蝗之法舉埋胔之令勅令格戎已降而改易者錄目徧下寬恤予詔若德音必示毋隱監司牧守舉勸農之令帥臣按諸將騎卒計强弱肥瘠為殿最部使者以巡按月日上之都省封樁李懷亦如之攷郡守催科之等棟補軍旅必徧所部凡軍營空舍場務畝息州縣大辟之數各聞于所隸憲司具盜賊已獲未獲之日以聞常

平官歲會金穀糶糴總數若農田水利已修未修上之戶部起上供
之守凍者沿流所受附併至是悉發州時芻糧必度歲用闕則列于
漕司以所直收附出納始造夏稅帳豫給市帛之直工歸造弓弩以
是月為則行夏令則雨水不時草木早落行秋令則其民大疫疾風
暴雨總至藜莠蓬蒿並興行冬令則水潦為敗雪霜大至首種不入
於戲而稽天若率由舊章欽授民時布德施惠其克丕承無斁

宋朝大詔令集卷第一百三十一

典禮十七

明堂八

宣和二年氣運

宣和二年正月朔皇帝御明堂青陽左个以是歲氣運頒布于天下
皇帝若曰天地定位寒暑相臨五運回薄各有所先德化政令不同
其候升降出入無器不有朕御六氣之辨合六氣之精以佐五穀以
育群生惟爾萬邦欽于時憲宣和二年歲在庚子其運大商素天之
氣經于昴畢少陰司天左太陰右厥陰陽明司天左太陽右少陽燥
熱相臨金火合德上應熒惑太白熱化七清化九燥化九主時之運
太商少羽少角太徵少宮統歲之運紀曰堅成天氣潔地氣明陽氣
隨陰治化燥行其政物以司成其化成其氣劑其政肅其令銳切其

德霧露蕭颺其變肅殺凋零其穀稻黍其畜鷄馬其果桃李其蟲介羽少陰之政寒交暑熱加燥雲馳雨府濕化迺行時雨迺降水火寒熱持於氣交熱生於上清生於下熱寒相犯爭於中民多欬喘血泄軌噴日赤皆傷寒厥入胃心痛腰痛腹大噎乾腫上初之氣自斗建丑正至卯之中風木之位太陽居之其化寒風二之氣自斗建卯正至巳之中大火之位厥陰居之其化風濕三之氣自斗建巳正至未之中相火之位少陰居之其化大暑四之氣自斗建未正至酉之中濕土之位太陰居之其化大雨五之氣自斗建酉正至亥之中燥金之位少陽居之其化溫清六之氣自斗建亥正至丑之中寒水之位陽明居之其化濕寒藥食之宜上鹹寒中辛溫下酸溫食歲穀以全真氣食間穀以辟虛邪資其歲勝折其鬱氣先取化源是為至治

宣和二年二月朔皇帝御明堂青陽以是月天運政治布告于天下
曰仲春之月斗建卯朔日壬申日在室昏井中曉尾中丙子倉庚鳴
辛巳鷹化為鳩丙戌春分得二月之中氣律中央鍾日在奎昏井中
曉箕中乙鳥至辛卯雷乃發聲丙申始電是月也天氣始方地氣始
發人氣在肝盛德在木凡十有五日同孟春之令是月也其位少陰
其氣厥陰氣交之中其神太尊飛鳥其政其令為大暄為舒榮
為形見其為變也則為風暴飄拉為小雨為青肅春氣以正萬物
庶榮民迺和其病淋目瞑目赤氣鬱於上而熱甚則溫厲宜順養
生之道凡味火位之主其寫以甘厥陰之客以辛補之後十有三
日運交少羽凡樂夾鍾為宮無射為徵仲呂為商黃鍾為羽林鍾
為角調宜尚角以致其平是月也朔告于廟上丁以樂奠于先聖
上戊祀武成王亦如之命官享獻陵寢巡行禁地朝拜陵墳朝日

高禘蒼鼎司寒則秩祀事以春分之日開水薦寢廟九宮貴神五
龍馬祖古君臣則秩祀事以元日社稷則秩祀事以社日是月也
有真元朝謁之日有停決重囚之日有屠宰之禁有採捕之禁有
燒田野之禁咸京令毋或違以學校之法考選舍生而并之以考
績之法舉察群吏而上之發金穀以濟民之頒時藥以療民疾毋
受治訟而違農時是月也上季帳稽民教籍民兵發軍裝給春服
還冬裘按河防濬溝洫斷獄訟若場務新額理久科罰屯田季狀
河堤葺繕與夫較器之工類宣借之數遣留役之卒報還營之故
寬暴擾之期有司各舉乃事毋或失時壯城之役塘濬之役以是
月興堤婦栽植緣塘補種以是月止行秋令則大水寒氣總至行
冬令則陽氣不勝麥乃不熟行夏令則大旱暖氣早來蟲螟為害
於戲寅亮天時欽若成憲心朕德敷告四方令出惟行其欽承無

怠

三月月令

宣和二年三月朔皇帝御明堂青陽右个以是月天運政治布告于天下曰季春之月斗建辰朔日辛丑清明日在奎昏柳中曉斗中得是月之初氣律中姑洗桐始華丙午田鼠化為鴽辛亥虹始見丙辰穀雨日在胃昏張中曉斗中得是月之中氣萍始生辛酉鳴鳩拂其羽丙寅戴勝降于桑是月也其位少陰其氣厥陰其運少羽氣交之中其神太一天皇天時其德其化其政其令為大暄為生為榮其變則為風暍怒為晝昏暝日有暈風延遍春氣以正萬物應榮清氣時至其為病也為日赤為衄衄為瘍眚氣鬱於上而熱其氣溫厲凡味以若發之以酸收之凡樂姑洗為宮應鍾為徵蕤賓為商大呂為羽夷則為角調宜尚徵以折其鬱以抑其勝以達其平是月也朔告于

廟薦新丁已享先蠶太常按視齊宮壇壝清明出新火賜還臣上
已賜群臣宴于園苑蠲日宴集英士戍停奏決禁屠宰是月也官
太學辟雍醫學士行藝居上等者州縣弊吐訟毋妨農功閱舟師出
牧馬選糴官上都城場務歲課較其虧贏前計河防之具預出戍卒
冬服凡戶口增減吏皂試刑法者州上之漕司覆上供實數類官舍
就直數鼓鑄登耗稽胥吏功過閱軍器增損各上本曹陸田起秋賦
以是為限繕馬疴散蠶繭繕河隄以是月畢旬閱營騎梳試弓弩災
傷場務秋稅免較貧乏丐者籍姓名給食皆盡是月止六月輸河
防諸州發上貢畿漕司補折之數諸路類中官馬皆毋逾是月御史
以察吏賞罰上都省憲司籍禁軍關額上密院州兵大閱徙河堤積
薪金部勾稽合同五路具逃亡河卒較營田課完治陂堰以是李昂
行冬令則寒氣時發草木皆萌行夏令則民多疫時雨不降行秋令

則天多沉陰淫雨早降於殿指天垂憲咸可底行誕布多方率循無怠

四月月令

宣和二年四月朔皇帝御明堂左个以是月天運政治布告于天下
曰孟夏之月朔日辛未斗建巳日在昴昏翼中曉牛中立夏得是月
之節燠烟鳴丁丑蚯蚓出壬午王瓜生丁亥小滿得是月之中氣日
在畢昏軫中曉女中苦菜秀壬辰靡草死丁酉小暑至是月也天氣
正方地氣定發盛德在火其帝炎帝其神祝融其味苦其音徵其數
七几十有七日同季春之令是月也其位少陽其氣少陰其運少羽
其神太一五風其政其令為大暄為曠為長榮其變時為大涼為飄
風為疾雨病氣厥心痛寒熱更作宜順養長之道凡味宜甘九樂仲
呂為宮黃鍾為徵林鍾為商太簇為羽南呂為角調宜尚宮以致其

和是月也朔告于廟命有司以立夏祀赤帝祀中太一祀熒惑祀南方獄鎮海濱祀星禹祀竈以壬申祀雨師以辛卯雩祀上帝配以太宗卜吉薦享于廟朝獻于宮薦新以晷嘗麥是月也天祺節宰臣率百官朝謁于宮州長吏與其屬詣聖祖殿有罪毋決三日立夏停決重囚有司舉恤刑之典行訖聞于上頒夏藥遣醫分治民疾秋稅始造籍夏田應訴災水田應起賦京畿入兩學秋租圭租水田入前後官者皆毋過是月聽擇官地禁蔭軍馬給芻秣之在廐者開封謹酒禁所屬報大農舟致麴麥以脩酒材汭流所受上供物附併畢發是月也手詔寬恤若赦令應民間通知者檢舉以行禁止伐木捕蝗之令鼓販條約先期諭民使之無犯季視屯田塘堤具完毀狀若水增減數皆報本司大河山道縣切按視以待檢修會朝廷封椿物數若官時及禁軍閱額請給保伍應造都帳軍器支附地池料用奸細

羈隸姓名各聞于所隸行秋令則苦雨數來五穀不滋行冬令則草
水早枯行秋令則蝗蟲為災暴風來格秀草不實於戲欽若昊天施
於有政令出惟行萬邦惟無斁

五月月令

宣和二年五月朔皇帝御明堂以是月天運政治布告于天下曰仲
夏之月斗建午朔日庚子日在參昏軫中曉虛中壬寅芒種得五月
之節日在參昏角中曉虛中熒蜩生丁未鵬始鳴壬子及舌無聲丁
巳夏至得是月之中氣日在井昏亢中曉危中鹿角解壬戌鵬始鳴
丁卯半夏生是月也天氣盛地氣高盛德在火天地氣交萬物華實
其位少陽其氣少陰其運少羽辛亥運交少角其神五行三風是月
也天政布大火行令行之常為暑為災亢為蕃茂為蒸鬱氣交之變
為清涼為陰昏為風雨民病寒熱更作咳喘目赤其在人也宜順養

長之道凡味宜甘凡樂焚賓為宮大呂為徵夷則為商夾鍾為羽無射為角調宜尚微以致其平是月也朔告于廟日至躬祭地于方澤配以太祖遣官祭大社大稷祭彤鼎先一日祭都門戊辰祭先牧薦新寢廟嘗雉以黍羞以介籍田登麥寧既節宰臣率百官朝謁上清儲祥宮州長吏率其屬朝謁聖祖殿毋決刑毋上大辟業九三日壬戌亦如之毋施刑日中毋令有罪于市桎械五日一濯中都繫囚命郎官御史循行督造奏牘已上都省約法斷下諸路者分詣所部大理疑案畢讞始夏輟始督夏賦而學入餘路地祖縣官給納毋或離次固河梁塘堤郡二月視其完毀報所屬其在春季者審實奏上收役功之半毋課伐木給百司時服廂軍將教邊臣應賜裘者先期檢舉左藏豫脩時支諸軍唯早教遣戍卒冬服軍匠功程是月畢較行冬令則電凍傷殺行春令則五穀晚熟百勝時起行秋令則草木零

落果實早成民殃於疫於戕若成烈稽謀自天誕告萬方茲率厥
典聽予一人之作獻

六月月令

宣和二年六月朔皇帝御明堂右个以是月天運政治布告于天下
曰季夏之月斗建來朔日庚午日在井昏氏中曉室中壬申小暑得
六月之御日在井昏氏中曉室中溫風至丁丑蟋蟀居壁癸未鷹乃
學習戊子大暑得是月之中氣日在柳昏心中曉奎中腐草化為螢
癸巳土潤溽暑戊戌大雨時行是月也天氣盛地氣高其氣少陰其
位少陽其運少角其神帝侍天時五風凡十九日今同仲夏戊子交
四之氣太陰客居濕土之分為暑為濕疾風陰雨寒熱互至甚則需
遺職注其病寒熱噬乾黃痺孰血其人也宜順養長之道凡味宜
苦凡樂林鍾為宮太簇為徵南呂為商姑洗為羽應鍾為角調宜尚

徵以致其平是月也朔告于廟爲新以菱芡乙酉祀帝昀祀黃帝祀
中嶽中鎮祀中霤奉常按視五方齋宮壇壝代日頒冰天貺節宰臣
率百官朝謁景靈宮天興殿州長吏率其屬造聖祖殿有司弛刑三
日罪杖以降情輕聽罰又輕者釋之凡獄五日一聽枷械都省催結
大理開封已上之獄郡縣差官檢集固圉供葺之費日中無得行刑
免刑之人當令于市者諸役之功損十之二暴露者收功半戎器之
匠有度程泉監之上有升降財用凡移有籍閩河屬禁有守率加攷
察馬屯田按緣塘之榆柳護隄防之壅埽度支預造國信禮物預計
河役特支工部揭放販之禁飭樓櫓之制內藏庫趣輸今帛國子監
前申歲賜歲內計積芻秣凡戶口之增減吏課之優劣糧草儲營之
脩馬牛皮角之數則漕司舉之凡將校之籍甲兵之簿營房之已未
其盜賊之已未獲者則憲司舉之凡衙校優重坑冶名色興坊場之

已未給者則平常司舉之其吏之試選而應發者故降條制之均被
者諸司各以其時而致其事行春令則穀實鮮落國多風教行秋令
則邱濕水潦河稼不熟行冬令則風寒不時鷹隼擊於戲上稽天
道俯授人時輔相裁成充底時若性爾有衆其祇若朕命

七月月令

宣和二年七月朔皇帝御明堂總章左个以是月天運政治布告于
天下曰孟秋之月朔日己亥斗建申日在星昏尾中曉婁中癸卯五
秋得是月之節涼風至戊申白露降癸丑寒蟬鳴戊午處暑得是月
之中氣日在張昏箕中曉胃中鷹乃祭鳥癸亥天地始肅戊辰禾乃
登是月也盛德在金其帝少皞其神蓐收其色白其音商其數九是
月也四氣之分太陰居濕土之位其運少商甲子交太微其神太尊
三風五風其候為淥暑為風陰寒暑不時甚則霖霖暵注其病寒熱

噉乾黃桴孰以其在人也宜順養收之道凡味宜苦凡樂夷則為宮
夾鍾為徵蕤射為商仲呂為羽黃鍾為角調宜尚商以順時令以致
其平是月也朔告于廟五秋祀白帝祀西太一祀西方獄鎮海濱祀
阜鼎祀門厲以甲辰祀靈星卜吉薦享于廟朝獻于宮薦新嘗栗與
稷羞以梨棗是月也先天節宰臣率百官詣景靈宮天興殿州長吏
與其屬朝謁聖帝禁屠宰停奏樂毋斷刑三日至戌日亦如之中元
節一日奏樂已上者都省約法斷下法寺趣斷獄監司決繫囚日中
毋行刑毋令有罪于市監司收守以勸農御筆舉而行之揭示寬恤
詔令已頒制書則錄增改之目而下之園苑進華實錄漕察秋稼開
封中酒禁士卒唯早開暴露收半功給納毋離次選官以司糧事秋
田聽祈災闕額季悵聞于所隸私錢鼓鑄示以條禁祠部則有屯田
之令河防則有都水之令歲賜則有國子監慶支之令上供封樁則

有倉庫之令若山澤寶貨修完功程獄具杻械軍器什物各舉乃事
無或失時選籍僑寓歲計約支廩牧官馬各以名數上之省部行冬
令則陽氣大勝介蟲敗殺行春令則陽氣復運五數無實行夏令則
寒熱不節民多瘡疾於戲仰觀俯察以知天時以授民事紹述成憲
敷錫萬方其欽無斁